

Títelé ke Yuuti uu n wói

Lélee rítelé ntí kémee ní we

Kirisi pikó nnéi ke Yuuti ritelé ntí arí ne mánε. Tinsímé ne Piyee ritelé lírū nkó ye lalε nké nse. Pεpee icélaa nōome n céesi pin nsé kópe sōne kuú ne atōpi wai.

Ifaaci iyē mēkériine ye mmé:

1. Lélee rítelé ntí kémee ní we (1-2).
2. Pεpee icélaa nōome m pásii nkó (3-16).
3. U Kirisi pikó ikari kpáselenle re piké ríla ne nfatene kéméé n ηmóópúlē (17-23).
4. Uléécaá ye ipakare te (24-25).

Iyáhaa

¹ Née Yeesu Kirisi ukeikó ne Yakupu uwā kapi ye n sée re Yuuti. Nó mpí ke Sáa Uléécaá uu nní ní sée kam títelé wólu. U nó lalε uu Yeesu Kirisi anipe-i nó wai re uké nókenécáá m pállē. ² Uléécaá uké nfanare nó nyíse uu kō nkíninje nó he uu kō meyá nó n la.

Pεpee nnōomesimé n céesi kecáá nkó

³ Pinésáne lala kecire, ne peé lalε ké lē ke Uléécaá uu kesé tó ne nnó ayu n lō kecáá rítelé nó wóipō. Ne nkpéni yé te li meýikíyiki pise re ké nní nó wói ké ne nfatene atōpi kémee nó n ηmóópúsélē. Uléécaá ye mecírenínje nsimé mmē ke upikó apí ne kefa n tene pamele.

⁴ Ai líka nnya kam lē símisi, simúnjé kópe pisoι pinyine ye riséé ne nó cóhōnelenle. Pi Uléécaá ipelée waiselε yarε ncée kuu pi he re piké mewai kópe ne

piripɔɔ n wai. Urócélaa cireníηe ne Urópiíma Yeesu Kirisi kapi lē yulu. Háí mekke-me kai wólaalē te akpanii nyee pilikó.

⁵ Mpá kani nní pinyuwe m máálē, ne la ké nó léise re Upíima ye pee mekke Isirayeli pikó riyu lɔle Esipiti ketē kecáá, amá uu pee limemáá tíyese pepere ápi pikecɔpe ne kefa u n tenelē api kpíni.

⁶ Pilécaatumē pinyine ye péé ne Ulécaá wósilē re ketóne ke-i kuu pi n tónse áke ne pi risá, api pee pimécire ketóne conse. U kɔ pē kuηmaha kemee-pɔ tonselenle pin mesére pahaalē liké ha ne keyáa kē kuu pitúhaane pi n sónti tu. ⁷ Ani Sotɔm kuyu ne Komɔori kukó ne ayu nyee ne a n kólē nkó léise. Pilécaatumē mecɔ mmé ke kei pikó apí pee méwoo méwoo wai. Apí n la pitisi ne pitisicɔ piké n sói. Lē nnya ke Ulécaá uu kutu pi ripasa uu nna teneciré kémee pi sáɔ. U lē wale re mpá úye uké kei yē uké ne umécire tí.

⁸ Lē ke pepere nní ne nó n cónelē pɔɔ kɔ we. Simúhéné kópe sin pi n leeme, api pee piipíηe lilala ne pimécire mékperinkpe n wai, ápi kɔ Upíima nnaηe waiselē, pin keyómecaa-pɔ linaηe-naηe lámaanke.

⁹ Moisi ye pee kpule, Ulécaatumē wéése Miseli ne Setani api ukecáá cēηesi. Pi pee pásainele re wóo yé u kpísi. Mpá ne lē, Ulécaatumē wéése Miseli ricuruu úu kaha uké Setani lámaanke. Amá nse kuu u maa re: Upíima uké kutu pɔ ripasa. ¹⁰ Amá písoi pē pɔɔ, lē asei kápi n nyu kapi ye lámaanke. Lē kapi isee mecɔ méwoo n nyu lee pi kopaalē. ¹¹ Iwe kapi topori! Kayee ncee ncɔ kapi tíkilē. Siwóó nnya kapi pimécire kpísi api mpɔlecee tikise Palam mecɔ. Kapí ne Ulécaá n kēηene yare ke Koree uu n wa mecɔ nnya kai pi ritékéé. ¹² Kei kani ye n cápíne

re nóké memárecɔ iluke li, pɛpɛɛ ye nórinyu kpu. Kei ke pẽ api ye pimela anyá súkei, ápi ne úka kutu cɔlẽ. Pi we yare ahope ke kuyɔ aku n kpráúlẽ. Pi kɔ wele yare kulée nkú kɛɛ áku ye m mári, nǐpá lin kuimaretunje n tu. Pin ku n wehe, meté kaku pɛɛ lẽ kpu. ¹³ Mínimaa kɛmɛɛ ániwalé papɛ-papɛ kapí ne menyíne we. Pi ye pimɛwai kópe leselɛ api yánesi yare ke ániwalé aa ye míni kuwálé n yánesi. Pi kɔ wele yare awárepɛ nyee méwoo n sónesi. Lẽ nnya ke Uléécɔaa uu kuɲmaha píima-i ketóne pi he re piké kei meséɛɛ n tũ.

¹⁴ Pirókpurɛ kɛmɛɛ, Enɔki ye Atam siyase kɛmɛɛ kunai sééi-sééi ukó lɛ. U hái mɛkɛɛ-mɛ písoi pẽ kecáá maa re: Upíima ye wemele ne upileecaatumɛ kulúu ¹⁵ piké ne písoi nnéi túhaane. U yé piwaikópekɔ́ akópe pa, mɛwai kópe nnéi kapɛ n wa nnya. U yé kɔ pikópekɔ́ pɛɛ áyu n wéési alé kapɛ u n lámaankee kecáá akópe pi pa. ¹⁶ Písoi pinyine ye pi pɛɛ meséɛɛ n nɲmúlaankee. Ai píkaɛ pi láárú. Pilikáipi-káipi kapɛ ye wa. Pi n-yuwélaasimé símaankeele pin ne písoi kahaankee re piké linyine pikemɛɛ yé nnya.

Kirisi pikó nsɛ kecáá nsímé

¹⁷ Amá nǐ pinésáne lala kecire, nóké ye nsímé ke Urópíima Yeesu Kirisi pitumɛ api mɛkɛɛ-mɛ nó rin-yóó léise. ¹⁸ Pi ye pɛɛ nó n yóólẽ te: Itunje tɔrɔɔ kumúnjé kun n tu, pinyine pɛɛ písoi n sɛnnyi yé kam, ápi yéé pilikáipi-káipi nnya Uléécɔaa wuri. ¹⁹ Pɛpɛɛ pikóólentene písoi kecɔpe tanaalẽ. Lẽ ke piricuruu api m músu nmanɛ kapɛ wai. Uléécɔaa Nfaa n n pikeméé we. ²⁰ Amá nǐ pinésáne lala kecire, nóké nómenécíre n nɲmóópúselɛ nɔn nfatene sone ke Nfáasone nn nó n he nnaɲe ne keyóme yáasi. ²¹ Ani

Ulééca nla kémeé n we n̄n mé te Urópiima Yeesu Kirisi yé unfanare nnya nfáa teneciré nó he.

²² Ani ye pepe ne ní we pin tíru íwe té. ²³ Ani piayu l̄o ani nna teneciré-i pi lese. Ani ye k̄o pic̄o íwe té. Amá ani nómenécíre tí, ani kape ye pílikó líka ne rik̄o, aí ne pimelape ke pimewai kópe ame m p̄oriinkee péne.

Ipakare tar̄o

²⁴ Ulééca ye nínan̄e mále uké ne nó n léraal̄é ani yé píkaí loó, uké k̄o ne kei káni yé ha akópe m má nó ha, aí k̄o nó n láarú aní ha ne umeyópi kéme u yenu.

²⁵ Uyee Ulééca Cireníne, uyee ne Urópiima Yeesu Kirisi ritiki uú ne aróyu l̄olu. Kaí ne m̄pá píyei-me n k̄p̄íime ne neni-me ne m̄pá píyei-p̄o, uyee mímule ne ríyu ne nínan̄e ne meyoópi meséere te! Amí!

Nkomine Fal Ritɛlé **Sola New Testament**

copyright © 2010 UEEB/SIM au Benin

Language: Sola (Miyobe)

Translation by: SIM International

Sola, Nkomine Fal Ritɛlé

This translation, published by the UEEB/SIM au Benin, was published in 2010.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

PDF generated using Haiola and XeLaTeX on 22 Feb 2024 from source files dated 29 Jan 2022

1bac8ff9-a7c9-52ef-bb5e-7155dd6ba1a1